



Magnum Bullarium Romanum, Seu Ejusdem Continuatio

Quæ Supplementi loco sit, tum huicce, tum aliis quæ præcesserunt
Editionibus, Romanæ, & Lugdunensi ...

Complectens Constitutiones ab Alexandro VIII. Innocentio XII. & Clemente
XI. editas

Luxemburgi, 1739

CXXX. Reformatur Const. Pauli III. de potestate Confessariorum Hospitalis
S. Mariæ de Consolatione, cum extensione ad alios Confessarios
Hospitalium Urbis.

[urn:nbn:de:hbz:466:1-74715](https://nbn-resolving.org/urn:nbn:de:hbz:466:1-74715)

1713.
& 1714.
Concessio
præd. Indul-
gentiæ die 9.
Martii.

& Beatorum Petri, & Pauli Apostolorum ejus auctoritate confisi, omnibus, & singulis utriusque sexus Christianis fidelibus vere poenitentibus, & confessis, ac Sacra Communione refectis, qui aliquam ex Ecclesiis Ordinis Fratrum Minorum Sancti Francisci de Observantia nuncupatorum tam hæcenus erectis, quam in posterum quandoque erigendis, & ubicumque locorum existentibus die festo ejusdem Sanctæ Catharinæ, nempe die nona Martii, a primis Vesperis usque ad occasum solis festi hujusmodi annis singulis devote visitaverint, & ibi pro Christianorum Principum concordia, hæresum extirpatione, ac Sanctæ Matris Ecclesiæ exaltatione pias ad Deum preces effuderint, plenariam omnium peccatorum suorum Indulgentiam, & remissionem misericorditer in Domino concedimus. Præsentibus perpetuis futuris temporibus valituris.

Clausula.

§. 2. Volumus autem, ut ipsarum præsentium literarum transumptis, seu exemplis, etiam impressis manu alicujus Notarii publici subscriptis, & sigillo Personæ in Ecclesiastica Dignitate constitutæ munitis, eadem prorsus fides habeatur, quæ haberetur ipsis præsentibus, si forent exhibitæ, vel ostensæ.

Datum Romæ apud Sanctam Mariam Majorem sub Annulo Piscatoris die XV. Novembris MDCCXIII. Pontificatus nostri Anno Decimotertio.

CXXX.

Reformatur Constitutio Pauli III. super facultate Confessoriorum Hospitalis Sanctæ Mariæ de Consolatione cum illius extensione ad Confessorios aliorum Hospitalium de Urbe.

Laudata Constitutio ed. fuit. 1544. Jun. 13. Innocent. XII. Const. ed. 1694. Aug. 18. P. 3. concessa fuit Indulgentia plen. pro Archihospitali S. Spiritus in Saxia. Hujus Pontificis Const. ed. 1711. Maji 13. P. 11. interdicta fuit etiam Pœnitentiis iis facultas absolventi a cubus S. Sedi reservatis. Et Bened. XIII. Constit. ed. 1726 Decem. 6. P. 3. erigit Hospital. B. Gallicani, ei-que Privilegia conceduntur.

Dat. 12. Jan.
1714. An. 14.

C L E M E N S P A P A X I .

Ad perpetuam rei memoriam.

Epitome
Constitutio-
nis Pauli III.
qua concessa
fuit Confes-
sariis a Cu-
stodibus de-
putatis facul-
tas absolven-
di a censuris,
& peccatis
S. Sedi refer-
vatis como-
urandi Vota,
& imperan-
di Indulgen-
tiam plena-
riam in arti-
culo mortis.

Alias pro parte tunc existentium Custodum Fraternalitatis Hospitalis Beatæ Mariæ de Gratiâ, Consolatione, & Porticu nuncupat. de Urbe fel. rec. Paulo Papæ III. Prædecessori Nostro exposito, quod in dicto Hospitali, quod ex elemosynis Christianifidelium gubernabatur, quamplures pauperes infirmi utriusque sexus diversarum nationum pro sanitate recuperanda venientes, in dies recipiebantur, qui ex Statuto, vel consuetudine ipsius Hospitalis antequam ad cubacula accederent, eorum peccata Confessoribus ad hoc per Custodes deputatis confiteri tenebantur, & in eadem expositione subjuncto, quod licet verisimiliter credendum esset quod in erectione dicti Hospitalis, aut postmodum, vel alias a Sede Apostolica concessum fuisset, quod infirmi ad Hospital. hujusmodi accedentes ab omnibus, & singulis eorum peccatis etiam Sedi Apostolica reservatis absolvi possent; nihilominus, quia de hujusmodi concessione non constabat pro parte prædictorum Custodum, & Confratrum eidem Paulo Prædecessori humiliter supplicato, quatenus eorum, & ipsorum infirmorum conscientiarum tranquillitati opportune consulere, & alias in præmissis opportune providere de benignitate Apostolica dignaretur: Idem Paulus Prædecessor hujusmodi supplicationibus inclinatu-

Presbytero, & Presbyteris per Custodes dicti Hospitalis pro tempore existentes deputatis, & ab illis deputandis, etiam si Presbyteri Sæculares, vel cujusvis Ordinis, & Mendicantium Regulares fuissent, omnium, & singulorum utriusque sexus Christianifidelium personarum tunc & pro tempore ad dictum Hospital. pro sanitate recuperanda confluentium cujuscumque qualitatis, etiam si divites, & etiam si Clerici Regulares, vel cujusvis Ordinis, etiam Mendicantium Regulares fuissent, confessiones quotiescumque confiteri voluissent, audiendi, & illis auditis eos ab omnibus, & singulis excommunicationis, suspensionis, & interdicti, aliisque Ecclesiasticis sententiis, censuris, & pœnis quomodolibet latis, & votorum quorumcumque, Juramentorum, & Ecclesiæ mandatorum transgressionibus, perjuriarum, & homicidii mentalis, vel casualis, necnon adulterii, incestus, stupri, fornicationis, sacrilegii reatibus, omnibusque aliis, & singulis eorum peccatis, criminibus, excessibus, & delictis quantumcumque gravibus, & enormibus, etiam si Sedi Apostolicæ reservatis, de quibus corde contriti, & ore confessi fuissent, etiam si talia fuissent, propter quæ merito Sedes Apostolica esset consulenda, absolventi, & pro commissis poenitentiam salutarem injungendi, necnon vota quæcumque (ultra marino, visitationis liminum Apostolorum Petri, & Pauli, Sancti Jacobi in Compostella, necnon Religionis, & Castitatis Votis dumtaxat exceptis), in alia pietatis opera commutandi, juramenta quæcumque relaxandi, ipsique infirmis Ecclesiastica Sacramenta, prout eatenus fecerant, ministrandi, ac eis in articulo mortis plenariam omnium peccatorum Indulgentiam, & remissionem, etiam si mors non subsecqueretur, & quoties mors immineret, vel in dicto mortis articulo constituti viderentur, impendendi, licentiam, & facultatem sub certis modo, & forma tunc expressis auctoritate Apostolica concessit, & largitus fuit, & alias prout in prædictis Pauli Prædecessoris desuper in simili forma Brevis die 13. Jun. 1544. expeditis Literis, quorum tenorem præsentibus pro plene, & sufficienter expresso, ac de verbo ad verbum inserto haberi volumus, uberius continetur.

§. 1. Cum autem, sicut Venerabilis Frater Fabricius Episcopus Lycien. Congregationis Venerabilium Fratrum nostrorum S. R. E. Cardinalium, & dilectorum filiorum Romanæ Curie Prælatorum super negotiis Visitationis Apostolicæ Ecclesiarum, & Locorum piorum Alimæ Urbis nostræ, auctoritate Apostolica instituta deputatorum Pro-Secretarius, Nobis nuper exponi fecit, ipse facultates a memorato Paulo Prædecessore per Literas supradictas Confessariis dicti Hospitalis concessas, ut præfertur, etiam ad aliorum ejusdem Urbis Hospitalium Confessorios per Nos extendi plurimum desideret: Nobis propterea humiliter supplicari fecit, ut in præmissis opportune providere, & ut infra indulgere de benignitate Apostolica dignaremur.

§. 2. Nos igitur ipsius Fabricii Episcopi, & Pro-Secretarii votis hac in re, quantum cum Domino possumus favorabiliter annuere volentes, eumque a quibusvis excommunicationis, suspensionis, & interdicti, aliisque Ecclesiasticis sententiis, censuris, & pœnis a jure, vel ab homine quavis occasione, vel causa latis, si quibus quomodolibet innodatus existit, ad effectum præsentium dumtaxat consequendum harum sententiarum absolventes, & absolutum fore censentes hujusmodi supplicationibus inclinati, prædictas

Preces Pro-
secretarii Vi-
sitationis An.
pro facultatis
extensione
ad alia Hos-
pitalia Ur-
bis.

Pauli

Reformatio facultatis pro foro conscientiae tantum quibusdam casibus exceptis eiusque extensio ad Confessarios aliorum Hospitalium Urbis.

Pauli praedecessoris Literas quo ad dictum Hospitalium Confolationis, sicut praemittitur, emanatas, auctoritate Apostolica tenore praesentium reformamus, & declaramus, itaut facultas in eis concessa intelligatur pro foro conscientiae tantum, exceptis casibus in Bulla Cae-nae Domini, necnon publicae violationis clausurae Monialium ad malum finem, Presbyterici-dii publici, ac casus publici violatae Immunitatis Ecclesiasticae, imo etiam occulti in terminis Constitutionis piaem mem. Greg. Papae XIV. pariter Praedecessoris nostri, quae incipit - *Cum alias nonnulli &c.*, etiam si eiusmodi violatio auctoritate publica secuta fuerit, ac citra ullam facultatem dispensandi super irregularitate; Indultum vero huiusmodi sic reformatum, & declaratum etiam aliis praedictae Urbis Hospitalibus harum ferie concedimus.

Clausula.

§. 3. Decernentes eas praesentes literas nullo unquam tempore revocari, suspendi, vel limitari, aut eis derogari posse, nec sub quibusvis similibus, vel dissimilibus gratiarum revocationibus comprehendi, & quoties illae emanabunt, toties in pristinum, & validissimum statum restitutas, & plenarie reintegratas esse, & censeferi, irritumque, & inane, si secus super his a quoquam quavis auctoritate scienter, vel ignoranter contigerit attentari.

§. 4. Non obstantibus praemissis, ac Constitutionibus, & Ordinationibus Apostolicis, ceterisque contrariis quibuscunque.

Datum Romae apud Sanctam Mariam Majorem sub Annulo Piscatoris die XII. Januarii MDCCLXIV. Pontificatus nostri Anno Decimo-quarto.

CXXXI.

Confirmatur electio, & Coronatio Caroli VI. in Regem Romanorum futurum Imperatorem.

Const. ed. 1711. Dec. 18. P. 12. extat declaratio quaedam super confirmatione huius Electionis: Et Const. ed. 1714. Mar. 10. P. 14. agitur de precibus Primariis eiusdem Regis.

Dat. 26 Febr. 1714. An. 14.

CLEMENS EPISCOPUS,

Servus Servorum Dei. Chariss. in Christo filio nostro Carolo Romanorum, Hungariae, & Bohemia Regi Illustri, Salutem, & Apostolicam benedictionem.

Exordium.

Romani Pontificis, qui Regis Regum, Domini Dominantium, & per quem Reges regnant, ac Legum conditores iusta decernunt in B. Petri Sede vices gerit in terris muneris esse dignoscitur, quae ad communem utilitatem, salutem, & praesidium, & ad Sacri Romani Imperii statum pertinenti iudicii, & auctoritatis suae robore communire.

Refertur Electio praedicta 1711. Oct. 12. & Coronatio die 22. Dec. facta.

§. 1. Quapropter cum clar. memor. Josepho Romanorum Rege in Imperatorem electo fratre tuo germano rebus humanis exempto, seu alias certo, quem praesentibus pro expresso haberi volumus, modo Romanum vacaret Imperium, eiusdem Imperii Principes Electores a Venerabile Fratre nostro Lothario Francisco Archiepiscopo Moguntino pro munere suo in Civitatem Francofurti ad Maenum, ad certam diem vocati in eadem Civitate convenientes, ut Romanorum Regem futurum Imperatorem eligerent, qui praecelsis, Regisque virtutibus Republicam tueretur, iidem Principes die 12. Mensis Octobris anni Domini millesimi septingentesimi undecimi, Te, qui Hungariae, & Bohemiae Rex eras, unanimi consensu, divina favente cle-

mentia, in Romanorum Regem futurum Imperatorem elegerunt, Tuque electionem huiusmodi, oblato tibi de more Decreto, qua decuit modestia, consentisti, ac deinde nempe die 22. Mensis Decembris eiusdem anni in dicta Civitatis collegiata Ecclesia S. Bartholomaei, post Missarum solemnias a praedicto Lothario Francisco Archiepiscopo celebrata per Te in manibus eiusdem Lotharii Francisci Archiepiscopi praestito more Catholicorum Regum Romanorum Praedecessorum tuorum Juramento, aliisque solemnitatibus rite peractis, dicti Lotharii Francisci Archiepiscopi ministerio, ritu, & pompa solita coronatus fuisti; Quoniam vero electionis, coronationisque negotiis huiusmodi per dilectum filium nobilem virum Herculem, Josephum Ludovicum Turinetti Marchionem de Priè oratorem tuum specialem coram Nobis proponi fecisti, petens omnia praemissa per nos Apostolica auctoritate caeremoniis servari solitis confirmari: Nos de praemissis per legitima documenta sufficienti habito testimonio, & re cum Venerab. Fratribus nostris S. R. Ecclesiae Cardinalibus diligenter perpensa, & mature considerata magna animi nostri cum spirituali laetitia ex eadem electione suscepta ad laudem, & gloriam Omnipotentis Dei, gloriosissimaeque eius Genitricis Mariae, ac Beatorum Apostolorum Petri, & Pauli, necnon eiusdem Romanae Ecclesiae, ac Sacri Imperii exaltationem, & honorem electionem de persona Majestatis tuae in Regem Romanorum futurum Imperatorem, & coronationem in dicta Civitate Francofurti factas ob praestantissimas animi, & corporis tui dotes, luculentissimaeque earum indicia, ac testimonia, & certissimam spem, quam de te in Sanctae Fidei, & Religionis Catholicae, ac nostrae, & Romanae Ecclesiae, illiusque rerum, & bonorum defensione, propagatione, & protectione conceptam habemus, de eorundem Fratrum consilio, & unanimi assensu, auctoritate Apostolica, & ex certa scientia, ac de Apostolicae potestatis plenitudine tenore praesentium confirmamus, & approbamus, illisque inviolabilis Apostolicae firmitatis robur adjicimus.

§. 2. Ac omnes, & singulos juris, & facti defectus, etiam substantiales qui seu ratione formae, vel loci coronationis eiusdem, seu ratione personarum eorundem Electorum tam scilicet eorum, qui abfuerunt, ac suum suffragium minime tulerunt, quam aliorum qui ad suffragium ferendum, licet quovis legitimo jure eligendi destituti essent, admissi fuerint, sive etiam ex eo, quod idem Josephus Electus Imperator de manu Romani Pontificis, auream Coronam non suscepit, imo, nec etiam suae electionis confirmationem ab eodem Romano Pontifice obtinuerit, seu quavis alia ratione, vel causa in electione, & coronatione huiusmodi quovis modo intervenerunt, seu intervenisse dici, censeferi, vel praetendi possent, sanamus, & supplementus, teque sic electum, & confirmatum ad suscipiendam Imperialis dignitatis culmen suis loco, & tempore dignum, & idoneum, etiam decernimus, & declaramus.

§. 3. Non obstantibus praemissis, ac Constitutionibus, & Ordinationibus Apostolicis, necnon quibusvis legibus Imperialibus, ac privilegiis Electoribus ipsis, & quibusvis aliis forsitan concessis, quibus etiam si ad illorum derogationem de illis, eorumque totis tenoribus specialis, specifica, expressa, & individua, ac de verbo ad verbum, non autem per clausulas generales idem importantes mentio, seu quavis alia expressio habenda, aut aliqua alia forma servanda esset, illorum omnium tenores, praesentibus pro plene, & sufficienter expressis, & insertis habentes, illis alias in suo robore permanfuris hac vice dumtaxat auctoritate, scientia, pote-

Petito Caroli VI. pro Confirmatione.

Cautiones a Pontifice adhibere, & causae confirmationis.

Confirmatio Electionis, & Coronationis.

Clausulae particulares cum decreto pro suscipienda Imperiali dignitate.

stare,